

tem, & impotentiam, ostendit etiam natum in pueritia pauperem, sed in senio diuitem.

Si fuerit in secunda, natus erit malus, malorum operum, malæ uitæ, & in malo statu, dicentur de eo mendacia, & inhonesta, habebitq; inimicitias propter substantiam.

Si fuerit in tertia, aduersabuntur ei fratres, & accident ei ex illis anxietates, & labores, & ipsi erunt in malo statu, conciliabit sibi hostes in causis fratrum, & inimicitias in itineribus breuibus.

In quarta, significat quod aduersabuntur eum parentes, & rixabuntur cum eo consanguinei, & progenies eius, & destruetur domus in qua natus est, & migrabit ex ea habebitq; inimicitias in causis rerum immobilium.

Si fuerit in quinta, filij erunt ipsi inobedientes, eruntq; in malo statu, & cum multis maculis & si cum hoc dominus quintæ fuerit in duodecima, nutriet filios alienos, significat etiam tristitiam, & angustiam in causis filiorum & filiarum.

Si fuerit in sexta, erit infortunatus in seruis, & bestijs, significat multitudinem tristitiæ, & insidias in causis animalium minorum.

In septima, significat quod habebit rem cum mulieribus uilibus, & contemptis, quæ aduersabuntur eum, & accident ei molestiæ, ac labores ex eis, erit miser in fine uitæ suæ, & sentiet tristitiam, & angustiam, atq; insidias in causis uxoris, significat etiam quod inimici nati auferent eius bona.

Si fuerit in octaua paucos inimicos habebit, & hæreditabitur ex eo substantia multa, sed multitudinem tristitiæ & angustiae, atq; insidias in causis hæreditatum mortuorum experietur.

Si fuerit in nona recipient fratres eius ab inimicis grauamina, & si fecerit iter, habebit molestias in eo, & erit malæ legis, significat multitudinem tristitiæ, & angustiae, & insidias in causis spiritualibus fidei, & religionis.

Si fuerit in decima, persequetur eum rex, & faciet ei malum, erit dolorosus, & tristis, habebit multitudinem tristitiæ, & insidias in causis honoris, & dignitatis.

In undecima, significat quod natus non habebit bonum, nec auxilium ab amicis, & ipsi fient inimici eius, & ipse miser erit, significat etiam multitudinem tristitiæ, & insidias in causis fortunæ.

Si fuerit in duodecima, inuidos habebit plurimos, paucos amicos, nec detegent inimicitiam, nec nocebit ei malum, uel inimicitia eorum, sed tristitiam, angustiam, & insidias in causis multorum inimicorum, & hostium sentiet, uel pendet inimicos suos, quia non poterunt ipsi nocere.

Notandum tamen est, quod significationes prædictæ, habent firma & ueridica iudicia, quando dominus domus, & domus in qua fuerit fuerint solitarij, ac peregrini, & non aspecti neq; à fortunis, neq; ab infortunis. Tamen si habuerint testimonium fortunarum, uel infortunarum, necesse erit tibi commiscere significationes eorum, & secundum hoc iudicare, nunquam tamen recedendo ab hac regula, aut à radicibus istis.

CAPVT QVARTVM.

De significatis planetarum in duodecim domibus cœli.

Bb iij Primo